

法令一 電旨 奏旨

三十

十月

給粟米三百石發交該處紳董核實經理欽此

九月三十日內閣奉 上諭前鑲白旗漢軍副都統內務

府大臣莊山由內務府司員洊升奉宸院卿補授內務府

大臣克勤厥職前因患病准其開缺並賞食二品俸茲聞

溘逝軫惜殊深加恩著照侍郎例賜卹任內一切處分悉

予開復應得卹典該衙門查例具奏伊子二品銜內務府

候補郎中恩彝著以郎中即補欽此

電旨

九月初一日奉 旨袁樹勛電奏禁種暹粟包買洋藥專

賣官膏各節著會議政務處議奏欽此

九月初八日奉 旨徐世昌周樹模電奏悉嫩江暴漲沿

江居民被災實堪憫惻著該督撫督飭印委各員迅放急

賑妥為撫恤勿任流離失所欽此

九月初九日奉 旨松壽電奏悉著該督屆時前往廈門

督率印委各員接待照料欽此

九月十一日奉 旨端方電奏准鹽產不敷銷請借運蘆

鹽合准引十萬引東鹽合准引六萬引用輪裝運免稅等

語著照所請該部知道欽此 同日奉 旨劉春霖電奏

悉著即赴新任毋庸來京請訓欽此

九月十七日奉 旨陳夔龍電奏悉仍著柯逢時按照

數撥解欽此

九月十九日奉 旨柯逢時方碩輔電奏悉湖北已解之

賠款仍著柯逢時等設法補解嗣後著度支部通盤覈計

妥籌抵補俾鄂款有著欽此

九月二十八日奉 旨松壽電奏漳州龍溪南靖廈門等

屬洪水漲發沖塌城壘民房漂沒糧食淹斃多命等情閩

省素稱貧瘠居民罹此奇災殊深惻憫著松壽督飭印委

各員多帶錢糧分赴被災各處設法拯濟認真撫輯勿任

蕩析失所仍將續查詳細情形隨時奏聞欽此

交旨

九月初一日交學部 本日御史徐定超奏請整頓各省

法政學堂摺奉 旨學部知道欽此